

孝恬堂

李氏族譜

孝恬堂李氏族譜

重修家譜序 肆本壹部

傳字號

國有史家有譜記載傳於後世者也且王者三十年爲一世三十年間老成猶存纂修較易耳吾族天乙公原籍河南光州固始人始遷居邵武生賡公庚公生子三一曰夔遍居邵城鄉二曰龍乃吾族第一世祖也三曰虎遷居建邑各自創立惟我龍公自宋遷居瑞溪堡築室橫坑坊歷四百餘年子孫繁衍至 洪武十五年仲明公

創修家乘遵效歐蘇兩體自吾族始有家

譜迄

同治癸酉修理已達八次又閱三

十一年堂叔祖

祖亮

等邀族重修於癸卯夏

月設局孟秋告竣廿六世裔

德新

經收

繼新

協理

啟文

對讀

大謨

謄錄纂修督修

泉

二人鐫

復並任採集繕稿監刷諸事務生娶卒塋

紀載昭乚凡世系有遺漏者詳細考查漏

者補之新者添之燦若日星永乘不朽而

忠孝節烈天章文藝壺範榮名壽徵卓行

傳贊俾子子孫孫若讀若耕若工若商克
繩祖武丕振家聲且以使後之賢裔知修
譜之舉不可從緩也茲畧爲之序願世守
勿替云耳

龍飛光緒二十九年癸卯秋月日 吉旦

廿七世孫繼錡謹撰

增修族譜序

蓋譜者牒也籍者錄也家有譜由國有史
國史所以紀忠烈勲名也家譜所以紀世
系支派也譜之所錄凡以明世次垂統緒
而使祖功宗德並傳不朽者也我族之譜
自始祖 天乙公生賡公賡公生三子
夔公龍公虎公昭穆支派班班可考厥後
世有傳述或彷彿諸歐或彷彿諸蘇人物言行
詳悉備載洵我族之鉅典也自同治癸酉

重修閱今三十一載矣其間生齒日繁醮
業墳墓前後增加譜之有待增修也尤急
癸卯春祭後族曾叔祖 祖亮族叔祖德
新族叔繼炘等翕然以增修倡首而族眾
並樂勦美舉於是以纂修任泉錡且以家乘
所載關係弗淺爰質諸族弟啟文族侄大
謨將癸酉以前之舊牒細心校閱癸酉以
後之近錄逐一考訂其字有魯魚之訛者
則易之以傳其信其地有滄桑之變者則

正之以徵其實 宗廟祖考位排列累世
序明而不使之蒙歷代黜田數血食千秋
詳核而不嫌於贅然其規條要皆一一遵
乎舊制無容苟爲更張也籍成授之剖劂
次第新編畧者補之兢亡焉無敢使世次
統緒繁衍而莫紀若夫先世之勤勞勲績
近代之銘誌藝文次第增訂毋於或缺斯
譜夏時舉事秋卽告竣一時搜羅未周表
章未盡是又望於後之賢嗣純純繼繼光

先業振家聲焉是爲序

皆

光緒二十九年歲次癸卯巧月元日

廿八世孫永興敬題

別駕公原譜序

族有譜譜有圖非但前以明遠後以侈盛也蓋欲令合族知尊卑親疏善繼善述傳之世世無窮耳顧譜散出難稽圖則一覽可鏡是以純智復因堂兄純德集譜特畫直圖以派別之言世則自宋始祖龍公起迄今明萬歷庚戌止殆歷世二十有一以言人則自遲生公以上每單傳星稀自遲生公以下則累然珠出不啻什伯乎前

矣言德則 佛保公濬其源 遲生公衍
其流 惟堅公則繼承充拓於後蓋曾曆
五世同一爨撫孫曾元男婦數十餘口若
出一人矣言業則男務耕女務織一倡眾
隨一呼眾聽倉有餘積囊無私藏家資爲
之充裕矣遙想上古淳龐之世不是過也
嗣則有以業儒起家者如兄考純德早補
廩生矢志科第中值坎坷未遂所期然卒
淬礪自奮期續前修取父遂公所遺家譜

編次緝成以續乎前以垂乎後比之榮仕
蓋多倍焉繼則純義純元純智純才純恭
純正暨春先春魁春郁春成春升春燦開
泰春登正芳自修自茂各以序進翩匕然
文學一門也智則通庠廩超選隆慶己巳
恩貢筮仕溫州府督糧通判燁則以廩生
中萬歷丙午年鄉舉上續前庚子斷脈外
則以吏員如純顯考中正八品純信任湖
州吏目是又以科貢仕途開先者則後之

駸也疊出而上焉當有未艾者矣由前而
觀則耕自足乎祿况以敦樸勝祿位又非
所計也所謂聖世之逸民者非歟由後而
觀祿誠足以代耕然求爲榮名計尤宜從
德量先當思所以光大國家者何在今之
爲李氏之子若孫者耕讀爲上南賈次之
爰傳之圖端俾慎擇所事云

明萬曆三十八年拔恩進士任溫州府督糧
通判奉直大夫十七孫純智頓首拜撰時

年七十有七也

現存身世記

民國丁丑北六年重修

少保公原譜序

家之有乘猶國之有史總以紀故蹟傳實錄令後人考之前而不謬俟之後而不惑者也子若孫不謀爲守府遞爲修緝然且不可而可令其遺佚乎非孝道之所敢出矣余家世自宋肇基而家譜剏自洪武則前此丁宋元之亂先公俱隱草萊事農桑未遑及於鉛槧近十一世仲明公始肇舉焉世系原委支分派別纏亾細紀卽考